

- 43 F. Gjald fyrir götu- og hafnarlýsingu ákveður bæjarstjórn eftir tillögum bæjar-
3. marz ráðs.

G. Fyrir hver 10 stig, sem verðlagsvisitala Hagstofunnar hækkar eða lækkar, er heimilt að hækka eða lækka raforkureikninga Rafmagnsveitunnar.

II. MÆLALEIGA

Rafmagnsstjóri ákveður stærð og gerð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða leigu af mælitækinu samkv. eftirfarandi skrá:

	upp að 30 amp.	Ársleiga í kr. 35.75 amp.	yfir 75 amp
Einfasa kwst.-mælar, hemilmælar og hemlar	15.00	„	„
Þrífasa kwst.-mælar, þrífasa hemilmælar, einfasa frá- dráttarmælar, lausir	30.00	45.00	60.00
Tvígjaldsmælar, mestumælar	45.00	60.00	75.00
Lausar skiptiklukkur, einar sér	15.00	„	„

Af öðrum mælitækjum en þeim, sem nefnd eru í skránni, skal leigan vera sem næst 15% af mælitækisverðinu, og semur rafmagnsstjóri nánari skrá um leiguna. Leigan skal innheimt um leið og gjald fyrir raforku.

III. OPNUNARGJALD

- Hafi gjald samkv. gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun, 5 krónur.
- Ef fundin eru óleyfileg vör við skoðun, eða of stór, skal veitunni lokað tafarlaust, og verður hún eigi opnuð, fyrr en notandinn hefur greitt 5 krónu gjald á skrifstofu Rafmagnsveitunnar.

Gjaldskrá þessi, sem bæjarstjórn Reykjavíkur hefur samið og samþykkt, staðfestist hér með samkvæmt vatnalögum nr. 15 20. júní 1923, og raforkulögum nr. 12 2. apríl 1946, til þess að öðlast þegar gildi, og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá um sama efni, útgefin 7. marz 1947.

Félagsmálaráðuneytið, 3. marz 1948.

Stefán Jóh. Stefánsson.

Jónas Guðmundsson.

GJALDSKRÁ fyrir Rafveitu Selfoss.

I. RAFORKA

Rafveita Selfoss selur raforku á þann hátt og við því verði sem hér segir:

A. Lýsing.

- Um kwst.-mæli á kr. 1,20 hver kwst. Við þessu verði skal selja hvers konar raforkunotkun, sem ekki fellur undir aðra liði þessarar gjaldskrár.
- Um kwst.-mæli á 45 aura hver kwst., auk fastagjalds er nemi kr. 6,00 á ári á m²

gólfflatarmáls í rúmi því er lýsa skal. Fullt fermetragjald skal greiða af gólf- 44
fleti í búðum, vinnustofum og skrifstofum, en fyrir geymslur og ganga skal 4. marz
greiða kr. 2.00 á ári af m².

B. Rafmagn til almennrar heimilisnotkunar.

Um kwst.-mæli á 27 aura hver kwst. Auk þess skal greiða fastagjald, 5 kr. á mánuði af fyrsta herbergi hverrar íbúðar og 3 kr. á mánuði af hverju herbergi, sem umfram er.

Í útreikningi á fjölda herbergja skal telja öll íbúðarherbergi og eldhús. Herbergi, sem er minna en 5 m² skal telja sem hálf, en stærra en 25 m² sem tvö. Þar sem meðalstærð herbergja í íbúð er minna en 10 m² má miða við samanlagt flatarmál þeirra, þannig að hverjir 10 m² jafngildi einu herbergi og 5 m² hálfu herbergi.

C. Rafmagn til notkunar í gistihúsum og matsölum.

Til suðu um kwst.-mæli á 25 aura hver kwst., lýsing samkvæmt A-lið.

D. Rafmagn til véla.

Um kwst.-mæli á 65 aura hver kwst. Hafi vélarnar mjög stuttan notkunartíma á ári, má krefjast minnsta árgjalds frá kr. 130.00 til 150.00 á hvert uppsett kw. vélanna. Eftir þessum gjaldskrárlið má einnig selja rafmagn til götulýsinga, svo og til nota um vinnulagnir við byggingar meðan á byggingu stendur.

E. Rafmagn til hitunar.

1. Um kwst.-mæli á 12 aura hver kwst., enda sé þá minnsta notkun 6000 kwst. á ári. Notkun umfram 10 000 kwst. á ári greiðist með 10 aurum hver kwst. Sala á rafmagni samkvæmt þessum gjaldskrárlið er háð því skilyrði, að straumurinn sé rofinn frá kl. 10,30 til 12 og frá 18 til 19,30.
2. Um kwst.-mæli á 4 aura hver kwst. Sala á rafmagni samkvæmt þessum gjaldskrárlið er háð því skilyrði, að straumurinn sé rofinn frá kl. 8 til 23.

Önnur skilyrði fyrir raforkusölu til hitunar.

- a. Að vélaafl, götulinur og spennar þoli álagið að dómi rafveitustjóra.
 - b. Að klukkurofar séu fáanlegir, og notandi kosti tengingu þeirra, og greiði leigu eftir þá, samkvæmt reglum, er gilda um leigu mæla.
 - c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillar notaðir.
- F. Þegar sérstaklega stendur á, má rafveitustjóri selja rafmagn eftir sérstökum samningi, þó eigi lengur en til eins árs í senn, nema til komi samþykki hreppsfundar.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

- | | |
|---|--------------------|
| 1. Af einfasa mælum upp að 30 Amp. | kr. 2.00 á mánuði. |
| 2. — þrífasa mælum 50 Amp. og minni | — 3.00 — — |
| 3. — þrífasa mælum 50 til 200 Amp. | — 7.00 — — |
| 4. — þrífasa mælum yfir 200 Amp. | — 10.00 — — |

- 44 Af öðrum mælitækjum en þeim, sem nefnd eru í skránni, skal ársleigan vera
4. marz sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald sem hér segir: Grunn gjald kr. 800.00 og auk þess 8 kr. af hverjum þúsund kr. af brunabótamati húsa og mannvirkja upp að 500 þús. kr., en 4 kr. af hverjum þús. kr. þar yfir.

Í útreikningi á heimtaugargjaldi skal sleppa hálfu þús. eða minna af brunabótamati, en ella hækka upp í heilt þúsund.

Ef brunabótamat á húsi er gamalt getur rafveitustjóri samræmt það nýju mati og miðað heimtaugargjaldið við það. Láti húseigandi meta húsið á ný skal þó miðað heimtaugargjaldið við það mat.

Heimtaugargjald fellur í gjalddaga, þegar heimtaugaruppsetningu er lokið, eða þegar brunabótamat hússins hefur verið framkvæmt. Heimilt er að veita gjaldfrest á helmingi heimtaugargjalds í allt að 6 mánuði.

Sé lengd jarðlínuheimtaugar meiri en 25 m, og loftlínuheimtaugar meiri en 60 m, og/eða gildleiki víra meiri en 3×70 mm², skal húseigandi greiða kostnað af því, sem fram yfir er.

Ef lagðar eru fleiri en ein heimtaug að húsinu, skal greiða allan kostnað við síðari heimtaug eftir reikningi.

IV. ÝMIS GJÖLD

1. Opnunargjald.

Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun 10 kr.

2. Óleyfileg vör.

Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki opnuð, fyrr en notandinn hefur greitt 10 kr. gjald á skrifstofu rafveitunnar.

V. BRÁÐABIRGÐAÁKVÆÐI

Fyrst um sinn skal útiloka frystihúsvélar á tímanum kl. 10,45 til kl. 12 fyrir hádegi og enn fremur ber að útiloka allar aðrar vélar, eftir því sem hægt er, þegar spennan er lág og aðrar ástæður gera það nauðsynlegt að dómi rafveitustjóra.

Hreppsnefnd er heimilt að hækka eða lækka gjöld, sem ákveðin eru í I. kafla þessarar gjaldskrár, um allt að 20 af hundraði, án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923 og raforkulögum nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 4. marz 1948.

Stefán Jóh. Stefánsson.

Jónas Guðmundsson.